

醫學秘奧九

背面毒



此背面毒受在肝肺經氣血凝滯不通結聚成毒
此是惡症也當用清毒流氣飲

紫蘇

桔梗

枳殼

甘草

烏藥

白芷

腹皮

黃芩

當歸

白芍

川芎

防風

羌活

柴胡

白芨

連翹

姜三棗一煎服

后用定痛內托飲

人參

當歸

芍藥

厚朴

桔梗

川芎

甘草

防風

白芷

黃芪

茯苓

羌活

烏藥

官桂


紫蘇

香附

右煎法同前


圍藥用金鑑散敷之

頭後蜂窠散注




此症發於頭後如是蜂窠者急宜救之若焮赤腫
痛起者得療痰發者必難治矣急用調治之若或
流於兩肩者決不可療也治法與發胸者同

枕疽



此毒蓋因風熱上攻入於內發此疽疾量人年紀
老少用藥人年五十以上難治少壯可治更服內
疎黃連湯十數貼加 羌活 金銀花 荊芥
千金托裏散 宜服黃礬丸 外貼金絲膏治法
與對口瘡同

腦疽



此毒受在腎藏虛實熱壅上腦戶結伏成毒也初起三日者剃去髮以艾炷如豆大者灸五壯外用圍藥庶能消矣當用三香內托散定痛消毒飲治

之

人參

當歸

升麻

川芎

白芍

桔梗

枳殼

茯苓

半夏

柴胡

甘草

羌活

防風

厚朴

白芷

天花粉

右剉姜三片燈心三十莖空心服

三香內托散

人參

木香

黃芪

厚朴

甘草

紫蘇

枳殼

官桂

烏藥

白芍

白芷

川芎

防風

乳香

姜三棗二水煎不拘時服

上中下三搭手俱用此

對口瘡




此毒因虛陽上攻熱入於腦故生此疽正近咽喉

之所諸陽之會間速宜調治初起用千金內托散
加 羌活 獨活 柴胡 天花粉 煎服先散
其虛熱之氣然後服荆防敗毒散 外貼金絲膏
更服內托十宣散加 白芍 羌活 金銀花煎
服多服蠟礬丸護心散

圍藥

雄黃末 二錢 白芨末 一兩
和勻用蟹搗汁調敷留
孔時用水潤之
另有圍藥方在頂門瘡中取用

此症生頸後兩邊左右鬢髮邊發生急宜救之如
核硬而發者急宜取去病根如腦心發者熱氣上
攻於腦四畔邊焮赤腫硬連於耳項寒熱疼痛若
不急療毒入血肉腐壞為膿水頭中出血者氣喘
及痰發者難治，法同前宜加減用引經藥



面發毒



此症之發多起於房勞太過乘虛風入經絡陽明經虛發於面也或面生癰瘤患者欲求速愈而庸醫或以毒藥敷点或以艾火灸之或以針刀刺之或犯尸神惡宿或破後房事不戒或受狂風霜雪寒露暴戾之氣或服金石草木諸部惡毒相攻相反之劑以致病症自劇殊不知面為諸陽之首禁火禁刀禁毒况耳目口鼻之官總係一處比四肢不同若不保重命亦難生何也面為陽火氣入之薰蒸肌肉刀針刺之即傷經絡毒藥点之暴剝皮肉轉為患繼之以風邪入之則頭面虛腫目鼻

腫脹患處日腐其臭穢難聞脾胃日削寒熱交作
痛楚萬狀難以盡言若有五善而無七惡外敷清
涼拔毒之藥內服參朮內托之劑每合犀角醬金
散服之以拔積毒其命方可保也否則難生

清涼拔毒散

白芨

雄黃

射香

乳香

山茨菇

花粉

黃柏

烏藥

右爲末鷄子清調付蜜水潤之

參朮內托散

人參

白朮

粉草

犀角

貝母

黃連

防風

黃芩

酒炒

羌活

桔梗

當歸

生地

白芍

前胡

天花粉

因病之逆從而加減之

加姜三片

犀角鬱金散

犀角

鬱金

真珠

牛黃

粉草

乳香

真粉

辰砂

煉蜜為丸噙化